

# CUNCURSU

# *UNU DÌCIU PO SA LÌNGUA TUA*

## ARREGULAMENTU

Tocat a imbentai unu dìciu/*slogan* po promovì sa lingua sarda. Su dìciu/*slogan* depit essi scritu in sardu, curtzu e originali; custu podit essi acumpangiau de una pintura.

A su cuncursu podint pigai parti totus, mannus e piticus. Is bustas anònimas podint essi **portadas a manu a s'ofitziu de prìsia** (*protocollo*) o spedidas cun sa posta ordinària – no arrecumandadas – a **su comunu de Sàrdara, Piazza Gramsci 1, 09030 Sàrdara (VS) - 070 9345 0200**. A ladu de foras de sa busta ddoi depit essi scritu: **cuncursu unu dìciu po sa lingua tua – Consulta Cultura e Lìngua Sarda – Sàrdara**. Ainturu de sa busta ddoi depint essi, a prus de su “dìciu” sa scheda (o mollu) de partitzipatzioni firmada cun nòmìni e sangunau, data nàscida, indiritzu, telèfonu-telefoneddu/email. Sa scheda de partitzipatzioni dda donat sa Consulta etotu (si podit scarrigai de su giassu internet de su Comunu).

Dònniunu podit imbiai 1 dìciu sceti. Bincint is primus 5 DÌCIUS. Is DÌCIUS bincidoris ant a essi imprentaus e cuncordaus in quadrus bellixeddus e prontus a apicai in logus e ofitzius pùbricus e privaus, butegas... e ant a podi essi finsas imprentaus in mallietas e in calisiasiat àteru logu e cosa a prexeri de sa Consulta chi apariciat custu cuncursu. Si podint arriciri arremonis (*menzioni*) spetzialis e finsas custus dìcius ant a podi essi imperaus a prexeri de sa Consulta.

A is bincidoris si donat unu atestau e unu donu po arregordu. Is dìcius insoru ant a essi imprentaus e apicaus. A prexeri de is bincidoris impari a su dìciu podit essi postu su nòmìni insoru puru, mancai scritu prus a piticu.

Is bincidoris si prèmiat in d-una tzirimònia pùbrica.

Is DÌCIUS depint arribai ainturu de su **09/11/2015**. Balit su bullu de arricida de s'ofitziu de prìsia comunali.

Sàrdara 07/09/2015

Su Presidenti

Giampaolo Pisu